



LJEKARSKA – LIJEČNIČKA KOMORA KANTONA SARAJEVO

Na osnovu člana 10. stav 1. tačka 1. i člana 29. stav 1. tačka 1. Statuta Ljekarske - Liječničke komore Kantona Sarajevo, Upravni odbor Ljekarske-Liječničke komore Kantona Sarajevo na sjednici održanoj dana 30.09.2025. godine donosi:

PRAVILNIK o sponzorisaniu edukacija u Kantonu Sarajevo

Član 1. (Predmet)

Ovim Pravilnikom uređuju se uslovi, kriteriji i postupak dodjele finansijskih sredstava za organizaciju edukacija u Kantonu Sarajevo koje imaju za cilj stručno usavršavanje ljekara.

Član 2. (Podnosilac zahtjeva)

(1) Zahtjev za dodjelu finansijskih sredstava može podnijeti ljekar – član Ljekarske – Liječničke komore Kantona Sarajevo ispred neprofitnog udruženja registrovanog u skladu sa zakonom.

(2) Zdravstvene ustanove javnog sektora koje se finansiraju iz budžetskih sredstava nemaju pravo podnošenja zahtjeva za ovu vrstu finansijske podrške.

(3) Podnosilac zahtjeva je dužan zahtjev podnijeti najkasnije 30 dana prije početka edukacije.

(4) Podnosilac zahtjeva ima pravo podnijeti najviše jedan zahtjev u toku kalendarske godine.

Član 3. (Prateća dokumentacija)

Zahtjev se podnosi Upravnom odboru Komore (UO) uz obaveznu prateću dokumentaciju koja sadrži:

- a) izvod iz registra udruženja,
- b) program ili agendu edukacije,
- c) okvirni budžet edukacije,
- d) spisak planiranih predavača sa kratkim biografijama,
- e) obrazloženje stručnog značaja edukacije za napredak i usavršavanje ljekara.

Član 4. (Edukacije od značaja)

Finansijska podrška se može odobriti isključivo za edukacije koje imaju stručni značaj i doprinose znanju i kontinuiranom usavršavanju ljekara.

Edukacije čiji je primarni cilj promocija lijekova, medicinskih proizvoda, komercijalnih interesa ili sličnih sadržaja ne mogu biti predmet finansijske podrške.

Član 5. (Kriteriji za dodjelu sredstava)

- (1) Upravni odbor Komore (UO) odlučuje o dodjeli finansijskih sredstava u skladu sa raspoloživim budžetom, značajem i obimom edukacije.
- (2) Maksimalni iznosi finansijske podrške po vrsti edukacije utvrđuju se kako slijedi:
- a) kongres sa međunarodnim učešćem – do 5.000 KM,
 - b) domaći kongres – do 3.500 KM,
 - c) škola – do 2.500 KM,
 - d) simpozij – do 2.500 KM,
 - e) promocija stručne knjige – do 1.000 KM,
 - f) radionica – do 1.000 KM,
 - g) edukativno predavanje – do 500 KM,
 - h) okrugli stol – do 500 KM.
- (3) Dodjela sredstava vrši se isključivo u svrhu organizacije edukacija iz oblasti zdravstva od stručnog značaja, u skladu s ovim Pravilnikom.

Član 6. (Korištenje sredstava)

Korisnik sredstava može koristiti odobrena sredstva isključivo za namjene navedene u odobrenom zahtjevu i pratećoj dokumentaciji.

Član 7. (Rok i obaveze korisnika sredstava)

- (1) Korisnik je dužan u roku od 30 dana od završetka edukacije podnijeti pisani izvještaj UO o utrošku dodijeljenih sredstava, uz prateću finansijsku dokumentaciju.
- (2) U izvještaju se moraju jasno naznačiti ostvareni ciljevi edukacije i obim učešća ljekara kao ciljne skupine.
- (3) Neispunjavanje obaveze iz stava (1) povlači obavezu povrata cjelokupnog iznosa donacije.

Član 8. (Nadzor)

UO vrši nadzor nad namjenskim korištenjem dodijeljenih sredstava.

Član 9.

Sredstva Komore se ne dodjeljuju za edukacije:

- a) čiji primarni cilj je promocija lijekova, medicinskih proizvoda ili komercijalnih interesa,
- b) podnosiocima iz javnih zdravstvenih ustanova koje se finansiraju iz budžeta.

Član 10. (Stupanje na snagu)

Ovaj Pravilnik stupa na snagu danom usvajanja na sjednici Upravnog odbora Komore i objavljuje se na internet stranici Komore.

Predsjednica Upravnog odbora Komore

prim.mr.sci.med.dr Sanela Vesnić



Sprečanska 5/III
71 000 Sarajevo
Bosna i Hercegovina

Tel.: +387 33 219-272
Tel./fax: +387 33 219-493
www.lkksa.ba; e-mail: info@lkksa.ba

ID: 4200540420002
ž.r. 1610000004110095
Raiffeisen bank